



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Agenda Dioecesis Paderbornensis Rituali Romano  
accommodata**

**Hermann Werner <Paderborn, Bischof>**

**Nevhsii, 1687**

De sponsalibus.

**urn:nbn:de:hbz:466:1-36005**

## De Sacra Communione.

*Tempore Paschali dicitur hæc oratio.*

Spiritum nobis, Domine, tuæ charitatis infunde, ut quos Sacramentis paschalibus satiaſti, tua facias pietate concordes. Per Christum Dominum nostrum. Amen.

Antequam reponat Sacramentum, diligenter advertat, ut si aliquod fragmentum digitis adhæcerit, illud in pixidem reponat, & eosdem digitos, quibus terigit Sacramentum, abluat, & absterget purificatio; ablutionem verò sumat, si celebraverit, aut ijs, qui tunc communicarunt, sumendum tradat, aut saltem in Sacratum injiciat. Postea genu flectens data prius benedictione reponit Sacramentum in Tabernaculo, & obserat.

### De communione Paschali.

Curet sedulo Parochus, ut in quadragesima per se vel per alios concionatores populo opportune denuncietur, constitutio Concilij Lateranensis sub Innocentio III. quæ sic habet.

Omnis, utriusq; sexus, fidelis, postquam ad annos discretionis pervenit, omnia sua solus peccata confiteatur fideliter, saltem semel, in anno, proprio Sacerdoti, & injunctam sibi poenitentiam studeat pro viribus adimplere, suscipiens reverenter, ad minus in Pascha, Eucharistiæ Sacramentum, nisi forte de Consilio proprij Sacerdotis, ob aliquam rationabilem causam, ad tempus ab ejus perceptione duxerit abstinendum: alioquin & vivus ab ingressu Ecclesiæ arceatur, & moriens christiana caret sepultura.

Utigitur hoc salutare Concilij decretum servetur, descripta Parochus habeat nomina suorum parochianorum, & qui dicto tempore non communicaverint, & post octavam paschæ eos, qui propriae salutis immemores, sèpius admoniti, non obtemperaverint, Ordinario suo denuntiet.

Facilior modus deprehendendi eos, qui tempore paschali non communicaverunt in sua parochia, erit iste. Curet parochus imprimi nomen Patroni Ecclesiæ suæ in parva scedula cum anno currente toties quoties opus erit. vg. si Patronus sit S. Joseph. erit scedula: **S. Joseph. Anno 1687.** vel alias anni currentis numerus. Talis scedula detur cuivis communicanti; post Dominicam in albis colligantur illæ scedulae, & qui in familia non poterunt dare scedulas, censebuntur non communicasse, nisi alias factam communionem probaverint.

Dabit quoq; operam Parochus, quo ad eum fieri potest, ut in ipso die sanctissimo Paschæ communicent, quo die ipse per se, nisi legitimè impediatur, parochiæ suæ fidelibus hoc Sacramentum ministrabit. Alienæ verò parochiæ fideles ad proprium Parochum remittet, præter peregrinos, & advenas, & qui certum domicilium non habent: Quibus ipse Sacram Communionem præbebit, si parati illum accesserint; In cæteris verò servabit ea, quæ in libro de statu animarum præscribuntur.

Ægrotis verò parochianis. etiamsi communionem extra præscriptos paschales dies sumperint, in paschalibus diebus illam deferet, & ministrabit.

### De communione infirmorum ex itema unctione, &c. V. infra.

### De Sponsalibus.

Prius inter Sponsum & Sponsam conveniat, & utriusq; partis consanguineos & amicos, & quando de omnibus jam conventum fuerit, ad sit Parochus, eiq; aliquis proximorum ad id constitutus utriusq; partis voluntatem declarabit.

Quærat deinde Parochus à circumstantibus, an sciant vel saltem suspicentur inter Sponsum & Sponsam esse cognitionem, vel affinitatem. Vel impedimentum cognitionis Spiritualis ex baptismo vel Confirmationis Sacramento, quæ omnia sicut & cætera impedimenta canonica matrimoniū contrahendi, & quæ contractum dirimant, Parochi est, ut ex probatis authoribus cognoscatur, & si quod tale deprehenderit, eos dehortetur, vel ad superiore remittat, & nullatenus signat sine præscitu & dispensatione ejus, qui poterit, copulari.

Quærat deinde, à quovis contrahentium sub interminatione divini Judicij singillatim.

1. An libere velit cum N. suo Sponso vel Sponsa contrahere.
2. An alteri Matrimonium promiserit.
3. An Deo fecerit votum castitatis &c.

Deinde dantur arrhæ Pastori, quas benedicit, dicens.

V. Ad.

- V. Adjutorium nostrum in nomine Domini  
 R. Qui fecit cœlum & terram.  
 V. Domine exaudi &c.      R. Et clamor &c.  
 V. Dominus vobiscum      R. Et cum spiritu tuo.

## Oremus.

Benedic Domine arrhas, quas hodie tradit famulus tuus **N.**, in manu ancilæ tuæ, dilectæ Sponsæ suæ **N.**, quemadmodum benedixisti Abraham, cum Sara, Isaac cum Rebecca, Jacob cum Rachel: Dona super eos gratiam tuæ benedictionis, abundantiam rerum, & constantiam operum. Floresent sicut rosa in Hjericho plantata, & te Dominum nostrum Jesum Christum timeant, & adorent in sæcula sæculorum. **R.** Amen.

Hic tradit arrham Sponsæ, & hujus illi, dicens, Benedic vos & vestrum propositum Deus Pater **X** Filius & Spiritus sanctus. **R.** Amen.

## DE MATRIMONIO.

Parochus, si non interfuerit Sponsalibus, quantum potest, præcedentia ex Sponsis, cognatis, alijsq; inquirat. An sint in ætate legitimâ, an uterq; sciat rudimenta fidei, cum ea deinde filios suos docere debeant.

Habent imprimis ipse bene cognita præcepta illa omnia, quæ in matrimonij ritè conficiendis servari oportere, Sacri canones, & præcipue SS. Synodus Tridentina jussit; dabitq; operam, ut illa in parochiâ suâ accurate exacteq; serventur.

Præsertim verò meminerit, matrimonia, inter raptorem & raptam, dum ipsa in raptoris potestate manerit, inita, nec non Clandestina, & quælibet Matrimonia, quæ aliter quam præsente Parocho, vel alio Sacerdote de ipsius Parochi vel Ordinarij licentia, & duobus vel tribus testibus contrahuntur, ex ipsius Concilij decretis, irrita omnino ac nulla esse.

Est autem proprius Parochus, qui adesse debet, is, in cuius parochia matrimonium celebratur, sive viri, sive mulieris.

Caveat præterea Parochus, ne facilè ad matrimonium contrahendum admittat vagos, & peregrinos, & qui incertas habent sedes: Neq; etiam eos, qui antea conjugati fuerunt; ut sunt, uxores militum, captivorum, vel peregrinantium; nisi diligentè de ijs omnibus factâ inquisitione, & read Ordinarium dalatâ, ab eoq; habitâ ejusmodi matrimonij Celebrandi licentiâ, quæ gratis concedatur.

Antequam matrimonium contrahatur, ter à proprio contrahentis utriusq; Parocho tribus diebus festis, inter polatis, & successivis in Ecclesiâ inter Missarum solemnia ad ipsius Concilij præscriptum publicè denuntietur, inter quos sit matrimonium contrahendum; quibus denuntiationibus factis, si adhuc nullum legitimum impedimentum opponatur, ad celebrationem matrimonij procedatur. Si verò quid obstet, Parochus ultra non procedat.

Non aggrediatur autem Parochus facere denunciationes, nisi prius de utriusq; contrahentis consensu sibi bene constet. Si verò infra duos menses post factas denunciationes matrimonium non contrahatur, denunciationes repetantur, nisi aliter Episcopo videatur.

Denunciationes autem fiant hoc modo. Inter Missarum solemnia, vel sub initium, vel sub finem concionis dicat clatè omnibus.

**L**assen sich zu dem Heiligen Ehestand zum ersten (anderen) oder dritten mal  
**Verkündigen der NN.** Sponsus und die NN. Sponsa (nominet eos) welche  
 hiergegen zu sprechen hatt / oder etwas weiß / daß diese vorhabende Ehe verhindern  
 solte/ sol sich angeben.

Moneat etiam conjuges, ut ante benedictionem Sacerdotalem in eadem Domo non habitent, neq; matrimonium consumment, nec etiam simul maneant, nisi aliquibus præsentibus propinquis, vel alijs. Benedictio verò à nullo alio, quam à Parocho, aliove Sacerdote de Parochi, licentiâ fieri debet.

Caveat